

楚澤詞徵濱虹題

中華民國四年五月付印
中華民國四年七月出版

笠澤詞徵百尺樓叢書

定價金壹元

編輯
行輯

人兼

陳去病

印刷者

上海六馬路東新橋北首吉慶坊內
國光書局印刷所

發行所
上海拋球場北轉西甯波路
國學保存會

上海棋盤街
廣益書局

上海六馬路東新橋北首吉慶坊內
國光書局印刷所

上海北泥城橋新馬路白克路
競雄女學校



笠澤詞徵

百尺樓叢書

卷二十三

邑後學 陳去病輯錄

清

吳貞閨字首良曹村諸生金叟室

林下詞選首良善書鼓琴東牘有晉人風致蘇臺名媛集云其

詩詞舉體芳雋不減李夫人瑤瑤來遲時也蘇州府志首良工詩善書尤精琴理年二十五收卒有孽子生甫兩月寄乳在外首良親撫育之至授室復天嗣孤半歲復撫之守節垂四十年去病案首良與金叟妻仰俱爲太僕寺少卿金之鐵子婦且俱以節稱故取冠篇首亦見曹村靈秀之氣其鍾於婦人爲獨厚也彼人臣之懷二心者對此能毋抱愧耶

臨江仙 春閨

曉牕怯怯羅衣薄癡打鸚哥豆落呼鶯欲剪雨中花爲甚泪含來花
人情自各 睡起情絲關不住纖在眉峯一處非愁非病爲誰來癡
倚玉樓前忘却收鍼刺

吳靜閨字珮典貞閨妹適汝南周氏

林下詞選名媛集稱其詩有因風飄去帶月浮來之况

紅蕉集珮典幼摹黃庭經得其筆法
與姊氏並工詩春蘭秋菊各極森秀

謁金門 春思

春心老懶向花衙去考工夫一半愁中了睡情殊草草
鳥泣春歸
咽早春去如何去討啼音說與鏡中人打起相思稿

虞美人 蘭

湘簾水簾秋初捲人在西風宛暗香何處拂衣來行過畫欄深處蝶
徘徊 竹溪寒玉曾同倚雪塢清無暑一枝和露碧垂垂恰似楚江
寒雨夜來時

顧氏雪灘釣叟有孝女兒也適蓬萊令沈自南

錦纏道 墨繡

數尺光綬色相莊嚴無有看濃抹淡妝渾點一絲如掃煙霞帚豎眼
低眉只在纖纖剖 擬攜向天孫從何措手問女紅更能知否歎金

針莫度頑蒙仗慈悲洪力頂禮勤稽首

徐鉉云標格如詩何減謝家道蘊耶

沈少君諸生永禪姊

林下詞選少君吳江人中丞沈宏所孫女太學沈君張女幼工詩詞未字而殁遺稿有繡

香閣集惜與劫火同燼不傳於世蓋亦香奩之恨事也今於伊弟醒公處覓得謝池春一闋并梨花兩絕句其梨花云永肌玉骨是天成不向濃華門色新最是嬌香無着處夢隨蝴蝶墜中庭其柳枝云青粉牆高弱柳低柳烟拖碧嚙雙鸚叮嚀似與行人說賸取

癡身幾箇枝

謝池春 曉起梨花將謝感賦

細雨輕寒院落重門深閉爲花愁平添幾許寶釵慵整獨把闌干倚
怪春工忒怱怱矣 明朝只恐狼籍粉痕歸砌早難支一襟憔悴雪
肌素面相對空凝睇快須呼玉樓人起

吳文柔字昭質兆騫女弟吳縣楊忠文先生廷樞子焯婦有桐聽

詞

謁金門 寄漢槎兄塞外

情惻惻誰遣雁行南北慘淡雲迷關塞黑那知春草色
細雨花飛
繡陌又是去年寒食啼斷子規無氣力欲歸歸未得

長相思

關山秋故山秋葉落宮槐起暮愁新涼作意收
蓼花洲荻花洲分
付蛩吟且暫休斷腸人倚樓

沈樹榮字素嘉諸生沈永楨女母葉小純也副榜葉舒胤室有月

波詞希謝稿

周銘林下詞選樹榮適同邑諸生葉舒穎即仲韶先生從孫其所製家庭酬倡居多可想見渭陽之

韵事矣江蘇詩徵王屋云素嘉葉蕙綢女也承母教工詩詞與龐小腕善多贈答唱和之作爲時所稱

如夢令 秋日

小院西風初透一霎涼生雙袖幾日怕關情猶道芳菲時候是否
否添得鏡中消瘦

點絳脣 寄吳夫人小腕

隔個牆頭幾番同聽黃昏

一作牆頭

雨別來情

一作無

緒向北看春樹

一作蝸蝶

能來去

一院藤花底是臨書池

一作池

處還分取

詩徵作記取

綠窗朱戶裊裊

茶煙縷

臨江僊 病起

草草粧臺梳裹了捲簾猶怯憑樓年光荏苒又深秋一番風似剪兩度月如鉤病裏高堂頻囑道而今莫更多愁當時檢點也應休重新來眼底依舊上眉頭

滿庭芳 中秋夜同諸姪坐月

宿雨全收晚涼乍爽微雲點綴長天廣寒宮敞素面露嬋娟影浸閒庭如水看浮動竹霧梧煙

林下詞作梧竹和烟

相依處團欒共話人月恰雙圓

記闌干十二桂花叢下分擘紅牋許詩成險

一作次

韻學步隨肩一

向秋光隔斷清輝好兩地空懸今夜永參橫斗轉幽賞不成

一作教眠

水龍吟 初夏避兵惠思三姪母棲鳳館有感追和外祖母憶

舊原韻

誰知到處徘徊謝庭風景多

一作都

非舊畫堂塵掩蓬生三徑門垂疏

柳白晝初長清風自至流年空又看多情燕子飛來還去真個不堪

回首

昔日嬌隨阿母學拈鍼臨窗挑繡斜陽樓外熨殘銅斗線紋

舒渾

一作

皺蠶欲三眠鶯還百轉落花時候問重來應否銷魂試聽江

城笳奏

沈蕙紉字蕙貞龍門知縣永令次女諸生吳梅室

江蘇詩徵王迺敏云蕙貞矢志

柏舟臨歿謂其弟浣桐曰頃得詩二句病多未得專醫肺瘦盡

何須更論腰真可悲也去病案蕙貞詞絕不見惟丁氏詞綜

補載一首又與沈嘉作從同不知何據今姑兩存之

臨江仙

草草妝臺梳裹了曲闌干外凝眸年光荏苒又深秋一番風似剪兩

度月如鉤 病裏高堂頻囑付而乃莫更多愁當時檢點也應休從
新來眼底依舊上眉頭

喻

撚字惟綺指妹侯鼎臣室有蕙芳集

周銘林下詞選惟綺才情豔逸閨中秀林下風

殆兼之矣 去病案惟綺原籍吉水其兄非指隱居梅里爲西郊高士之一故特錄之

踏莎行 偕嫂游湖浦

畫閣粧餘東風正早且閒刀尺聽啼鳥湖鄉十里趁花開淩波莫惜
鞦韆頭小 樹裏人家隄邊芳草遠山無數橫天表頻年苦憶故園春
今年始覺江南好

搗練子 春日偶占

香欲冷雨初殘春事無多怕繞闌侍女不知愁絕處卻持花片向人
看

浣溪紗 示蓮女

曉日當窗理繡絲，莫調金粉莫拈詩。
倦餘聊倚碧梧枝，道蘊才華

妨靜女。少君風範是良師。
耽書休似阿娘癡。

吳森札字文照號瀟湘居士孝廉溢女有瀟湘集

林下詞選文照賦性喜讀書坐

禪

望江南 別情

人去也，晚霽送行舟。
欲倩遠山留落日，待登高閣怯新秋。
滿目是離愁。

菩薩蠻 晚沐和韻

晚風乍引新涼入，捲簾慵向粧臺立。
日影下西廂，小池菡萏香。
解鬢輕貼地，蘭沐香縈臂。
莫便棄殘膏，還將潤玉搔。

綺羅香 賦得願在衣而爲領

一幅蛟綃幾回忖，量拈却繡刀裁。
剪穩貼雙肩，記把芙蓉扣掩綴珠。

翠顧影沉吟臨鏡面瘦痕羞斂漫尋春蝶眷蜂憐芳心猶恐舊香淺
繡罷重封奩篋怕新來寬褪瓊酥銷減倦壓鴛衾闌麝休教再染
愁春去怨雨啼雲惜花殘香柔紅軟解羅衫閒疊熏籠甚心情更展

菩薩蠻 願在髮而爲澤

羅幃夢覺孤衾冷綠雲斜擁珊瑚枕強起翠鬢偏梅花點額前堆
鴉香澤溜雙燕釵頭門影破海棠枝蜂窺蝶又知

鳳皇臺上憶吹簫 閨情代作

風淡烟濃困人天氣被池香煖貪眠惱曉鶯啼破春夢闌珊強起悄
登粧閣無限恨都上眉尖漫贏得鏡中人對着意相憐 懨懨愁成
病也任雲鬢蓬鬆懶整花鈿把鳳釵輕擲日日虛占無奈青鸞信杳
憑欄望汨眼幾穿春郊外馬嘶芳草常認歸鞭

沈關關字宮音上舍自繼女烏程王玳室

詞苑叢談楊卯君字雲和沈君善之側室工於

繡佛名流多題詠之作君善輯針史行世其女關關字宮音尤能出新意所繡山水人物無不精絕嘗墨繡顧茂倫濯足圖尤悔庵題漁家傲一闋其詞云我夢吳江煙水皺綸竿擬挂垂口不道遭翁濯足久枕且漱滄浪一曲天如斗深院玉人閒譜素手林下秀小名獨占毛詩首盤

臨江仙

春睡懨懨如中酒小庭閒步徘徊雨餘新綠徧蒼苔落花驚鳥去飛

絮捲愁來 纔覺春來春又暮枝頭纍纍青梅年光一瞬總堪哀浮

雲隨水逝殘照上樓臺

去病案此闋別見詞雅謂是葉小紈作題稱經東園故居句亦微異如首句作舊日園林

殘夢裏小作空餘作乾捲作滾至過片處作探得春回春已暮總作最水逝作逝水均不知何據今仍從林下詞選以周與沈同鄉同時較可信也

沈友琴字參荇隱君永啓女諸生周鉅室有靜閑居詞

林下詞選參荇雅工

文墨與其妹纖阿稱一時聯璧歌詞往往有傳誦于人者

浪淘沙 月下桃花

清露釀花煙皓魄無邊數枝低亞笑嫣然一自天台迷路後辜負年
蟾影罩霞鮮似共流連茅齋相對恍疑仙賺得東風今日好莫
爲愁牽

臨江仙 爲烈女顧季繁賦

彤管徒傳縵嶺怨採蘭又釀新愁此身已許便相酬一朝巾幗志千
古丈夫儔慷慨捐生猶易事從容就義難求樓空人去冷香篝雲
寒朝欲暮月淡夜何修

沈御月字纖阿參荇妹皇甫鏐室有空翠軒詞

虞美人影 送春和韻

途春春去添煩惱閒悶何時得了試看落紅多少點破階前草流
鶯樹上啼聲悄驚破羅幃夢杳斷送鏡中人老都爲春歸早

唐 榛字玉亭夔州人邑令甄女宜興周書占室

去病案玉亭父以官爲家謝政

後卽終老于
邑故特錄之

浣溪沙

深掩重門白晝清
東風午院落花輕
碧紗牕外雨新晴
烟鎖垂楊
愁欲結夢廻香閣恨
初生枝頭黃鳥一聲聲

清平樂

江南三月好雨知時節
一夜小樓聽不歇
桃花李花俱發
重樓山
外青山春光多在珠灣
試問清風明月何曾拘管人閒

浪淘沙

把盞餞東君
綠皺紅顰爲春憔悴
不憎春嬌鳥避風翻葉底
狼籍花
茵
細雨溼香塵
柳魄梅魂今年花伴
去年人只有心愁如織
錦別
樣翻新

吳瓊仙子字子珮
一字珊珊翰林院待詔徐達源室有寫韻樓集

洪亮

吉更生齋集瓊仙嗜吟咏兼工
繪事暇卽發揮烟雲摩寫花鳥

黃金縷 題葛秀英澹香樓詩鈔

鳥飛兔走何時了秋月春花背地催人老塵土何如仙闕好青元一
夢醒偏早 新樣冰廚花印小妙手靈心事事堪傾倒半縷梅魂驚
乍杳遺香剩得蘅蕪草

梧桐影 遲外子不至

漏未殘香猶馥明日天工晴不晴玉蟲燒向燈前卜

南鄉子 題廖織雲女士畫

煙鎖雲平依稀此境昔曾經雞犬人家都不管山花亂屋角斜陽紅
一段

菩薩蠻 酬外子正月十二日吳江風阻寄懷之作

一番風信春來矣如何寂寞孤篷底鈴語聽無聊三更第四橋 癡

情誰解得細與殘燈說燈不受人愁花開偏並頭

唐多令 題竹陰美人畫扇

對雷却書倉燈煙繞洞房望妝臺只隔紅牆半露腰身剛一搦便料
得小鞦韆 底事費回腸雅敲一字忙碎秋心記起還忘最好幾重
寒玉影千个字正當牕

清平樂 題馮甥月夜聽簫圖

碧桃開了春事江南早刻翠裁紅詩思好花信番番吟到甥有二十四番花信

詞

阿誰紅豆親拈碧簫偷撫檐前贏得玉人雙笑秦樓月正纖纖

汪玉軫字宜秋陳昌言室有宜秋小院詞鈔名媛詩話宜秋工詩善畫所適不偶乃賣

文以自活偶吟云風飄柳絮雨飄花多少新愁上碧紗借問過牆雙蛺蝶春光今在阿誰家其境困厄於此可見

菩薩蠻 題郭頻伽磨盟鷗圖

雨晴雲澹江村暮輕舟短棹葦間渡秋晚水風涼白蘋花暗香 野

鷗三十六溪上閒相逐招隱有前盟烟波深復深
幾聲漁笛滄江晚一痕疎雨汀沙軟夢穩檣頭船與鷗相對眠
夜來霜月苦聽得征鴻雨辛苦度關河天寒風雪多

醉花陰

春雪連朝晴未久細雨今宵又窗外有梅花難護難遮知道飄零否
薰籠火冷三更後料峭西風透獨坐暗銷魂月色昏昏花影和人
瘦

長相思

夜寒生夢魂驚半燼蘭膏暗壁燈床頭飢鼠行
數長更起離情倚枕填詞句未成推敲直到明

偷聲木蘭花

綠牕盡日垂簾幙底事輕寒來隱約節近黃梅庭院濃陰不放開